

## Universitätsbibliothek Paderborn

### **Historiae Ecclesiasticae Pars ...**

Historiae Ecclesiasticae Pars Secvnda, Qva Continentvr Socratis Scolastici  
Constantinopolitani lib. 7. Theodoriti Cyrensis episcopi lib. 5

**Christopherson, John**

**[Köln], 1569**

De Marutha Mesopotamiae Episcopo, & quòd ab eo Christiana fides in  
Perside propaganda est. Cap. VIII.

**urn:nbn:de:hbz:466:1-12704**

## S O C R A T . H I S T O R .

enim Timotheum, archidiaconum, Alij Cyrillum, filiu fra-  
tris Theophili, ad episcopatus illius sedem efferre labora-  
runt. Qua de re cum à populo certatum esset, quanquam  
Abudatius præsidiariorum militum præfectus partibus Ti-  
mothei subsidio fuit, tamen triduo post mortem Theophili  
Cyrillus in sede Episcopali collocatus, episcopatu potitus  
est, maioresq; principatum, quām vñquam Theophilus ha-  
buisset, pariter sibi assūpsit. Etenim ex illo tépore Episco-  
pus Alexandrinus præter sacri cleri dominatum, rerum præ-  
terea secularium principatum acquisiuit. Quapropter Cy-  
rillus statim cum Nouatiánorum ecclesias, quæ erant Ale-  
xandriæ, occlusis, non modò omnem sacrum thesaurum,  
qui in illis fuit, penitus abstulit, verū etiam Theopemptū  
illorum Episcopum omnibus suis fortunis priuauit.

*De Marutha Mesopotamiæ Episcopo, & quod ab eo  
Christianæ fides in Perside propagata est.*

C A P . V I I I .

**E**odem tempore Christiana religio fortè in Perside ve-  
hementer amplificata est: idq; tali de causa. Inter Ro-  
manos & Persas crebri legati mittuntur: variaq; inci-  
idunt causæ, cur tam frequentes, alteri ad alteros, obeant le-  
gationes. Itaque id temporis necessitas postulabat, vt Ma-  
ruthas, Episcopus Mesopotamiæ, de quo paulò ante facta  
est mentio, ab Imperatore Romano, ad regem Persarum  
mitteretur. Rex, quoniam eum, virum pietate singulari præ-  
ditum esse animaduertebat, in magno honore habuit, & tan-  
quam homini reuera diuino animum cœpit attendere. Que-  
res animos Magorū, qui apud regem Persarum multum va-  
lere solent, admodum irritauit. Nam metuerūt non nihil, ne  
Maruthæ suasu, rex Christi fidem reciperet. Etenim diutur-  
num capitis illius dolorē, quem Magi curare non poterant,  
Maruthas precum subsidio curauit. Proinde Magi fallaciā,  
qua regem ludificētur, excogitant. Ac quoniam Persæ ignē  
pro Deo colunt, & rex quidem ipse ignē perpetuō ardente  
in domo quadam venerari solet, subter terram hominē ab-  
dunt, eumq; tempore, quo rex preces facere cōsueuerat, has  
voces emittere faciunt: regem è regno exturbandū esse, im-  
piè

piè enim propterea agere, quod sacerdotē Christianorū, diuinū existimabat. Quæ cū Isdigerdes audiisset (hoc enim regi nomen fuit) tametī Marutham reuerebatur, tamen ob eam causam ab se amandare constituit. Tum Maruthas homo verè diuinus in precibus se penitus defixit: vnde fallaciam ac dolū Magorū plane deprehēdit. Itaq; sic regem alloquitur: ne illudaris, o rex, sed domum ingredere, ac cū vocem audiuieris, terra defossa dolum facilē deprehendes. Nā ignis nō loquitur, sed hoc fit machina quadam ab hominibus ad eam rē comparata. Maruthæ rex morem gerit: in domum, vbi ignis perpetuō ardebat, denuō ingreditur. Simul ac vocē iterum audit, terram iubet defodi. Ita qui vocē illā, quæ à Deo edi putabatur, emiserat, deprehensus est. Quocirca rex ira admodum excandescens, decimum quemq; ex genere Magorū capite obtrūcare mandat. Quo facto, dixit Maruthæ, vt vbi vellet, ecclesiās ædificādas curaret. Hac de causa religio Christiana apud Persas vehementer crevit.

Tum Maruthas deceđēs ex Perside, Constantinopolim aduentat. Exiguo tépore post, in Persidem legationis obeūdæ causa reuertitur. Magi alias de integro fallacias excogitant, quibus Regis animū ab eo amplexando auerterent. Malum quēdam odorē dedita opera comparatum in loco quodam, ad quem rex solet accedere, diffundi curāt: eumq; diffusum esse à Christianis falsō criminātur. Verū Rex, qui Magos iam dudū habuerat suspectos, vbi illius facinoris authores diligenter peruestigasset, perspicuē deprehēdit, eos ipsos Magos illum malum odorem de industria rursus effecisse: Quapropter complures illorū rursus graui multauit suppli-  
cio: Marutham permagna obseruantia coluit, Ac Romanos amare plurimū, eorumq; amicitiā magnopere amplecti cœpit: parumq; absuit, quin cū Maruthas vna cū Ablaato Per-  
fidis Episcopo aliud etiam specimen fidei Christianæ pa-  
lam edidisset, (vigiliis enim & precibus ambo sedulo vaca-  
tes, dæmonem, quo regis filius agitabatur, expulerunt) Chri-  
stianus factus fuisset. Verū mors ante eū oppresit, quām plenē Christianus euaderet: quo mortuo, filius eius Bara-  
ranes (cuius temporibus, sicut à me dicetur paulò inferius, fœdera inter Romanos & Persas violata fucre) regno po-

*Varanes  
legit Ni-  
ceph.*

Qui